

空同詞一卷

洪璚

目錄

月華清一調
齊天樂一調
瑞鶴仙一調
永遇樂一調
阮郎歸一調
清平樂一調

木蘭吟一調
菩薩蠻二調
浪淘沙一調
調金門一調
行香子一調

蕩山溪一調
踏莎行一調
南柯子一調
菩薩蠻一調
鷓鴣天一調

空同詞目錄終

空同詞目錄

月華清（春夜對月）

花影搖春。蟲聲吟暮。九霄雲幕初捲。誰駕冰蟾。擁出桂輪天半。素魄映青瑣窗前。皓彩散
千畔。凝眸見金波滉漾。分輝鵲殿。況是風柔夜暖。正燕子新來。海棠微綻。不似秋光。口
人腸斷。恨無奈。利銷名韞。誰爲喚舞裙歌扇。吟玩怕銅壺催曉。玉繩低轉。

水龍吟（追和吳次膺）

經年不見書來。後期杳杳從誰問。梅英蠟小。柳枝金嫩。豔陽春近。羅幕風柔。泛紅浮綠。漁
信念平生多少。情條恨葉。鎮長使芳心困。可是風流薄命。鏡臺前。鬆鬆蟬鬢。茜桃凝粉。
漲膩翠愁紅損。縱使歸來。燈前月下。恐難相認。捲重簾憔悴。殘妝淚洗。把羅襟搵。

暮山溪（憶中都）

潮平風穩。行色催津鼓。回首望重城。但滿眼紅雲紫霧。分香解佩。空記小樓東。銀燭暗。繡
昵呢凭肩語。關山千里。垂柳河橋路。燕子又歸來。但惹得滿身花雨。彩箋不寄。蘭夢更
燈影下。月明中。魂斷金釵股。

齊天樂（閨思）

轆轤聲破銀牀凍。霜寒又侵鴛被。皓月疎鐘。悲風斷漏。驚起畫樓人睡。銀屏十二。歎塵滿絲簾。暗消金翠。可恨風流。故人迢遞隔千里。相思情緒最苦。舊歡無續處。魂夢空費。斷雁無情。離鸞有恨。空想吳山越水。花憔玉悴。但翠黛愁橫。紅鉛淚洗。待翦江梅。倩誰傳此意。

菩薩蠻（宿水口）

斷紅遠飲橫江水。萬山紫翠斜陽裏。繫馬短亭西。丹楓明酒旗。浮生長客路。事逐孤鴻去。又是月黃昏。寒燈人閉門。

又（湖上）

吳姬壓酒浮紅蟻。少年未飲心先醉。駐馬綠楊陰。酒樓三月春。相看成一笑。遺恨知多少。回首欲魂銷。長橋連斷橋。

踏莎行（別意）

滿滿金杯垂垂玉筍。離歌不放行人去。醉中扶上木蘭船。醒來忘卻桃源路。帶綰同心釵分一股。斷魂空草高唐賦。秋山萬疊水雲深。茫茫無著相思處。

瑞鶴仙（離筵代瀝）

聽梅花吹動。涼夜何其。明星有爛。相看淚如霰。問而今去也。何時會面。匆匆聚散。恐便作秋鴻社燕。最傷情夜來枕上。斷雲零雨何限。因念人生萬事。回首悲涼。都成夢幻。芳心繾綣。空惆悵。

恨巫陽館。況船頭一轉。三千餘里。隱隱高城不見。恨無情春水連天。片帆似箭。

浪淘沙（別意）

花霧漲冥冥。欲雨還晴。薄羅衫子正宜春。無奈今宵驚帳裏。身是行人。別酒不須斟。難洗離情。絲鞵如電紫驢鳴。腸斷畫橋芳草路。月曉風清。

南柯子（新月）

柳浪搖晴沼。荷風度晚簷。碧天如水印新蟾。一罇清光斜露玉纖纖。寶鏡微開匣。金鉤半押簾。西樓今夜有人欵。應傍妝臺低照畫眉尖。

永遇樂（送春）

歌雪徘徊。夢雲溶曳。欲勸春住。薄倖楊花。無端杜宇。抵死催教去。參差煙岫。千回百匝。不解禁春歸路。病厭厭。那堪更聽。小樓一夜風雨。金釵鬪草。玉盤行菜。往事了無憑據。合數松兒分香帕子。總是牽情處。小桃朱戶。題詩在否。尙憶去年崔護。綠陰中。鶯鶯燕燕。也應解語。

謁金門（春晚）

風共雨。催盡亂紅飛絮。百計留春春不住。杜鵑聲更苦。細柳官河狹路。幾被嬋娟相誤。空憶墜鞭遺扇處。碧窗眉語度。

菩薩蠻（春感）

玉琴不療文園病。對花長抱深深恨。恨入鬢霜邊。才情輸少年。蛾眉梳墮馬。翠袖熏蘭麝。醉夢未全醒。綠窗啼曉鶯。

阮郎歸（壬辰邵武試燈夕）

東風吹破藻池冰。清光開五雲。綠情紅意兩逢迎。扶春來遠林。花豔豔。玉英英。羅衣金縷明。鬧蛾兒簇小蜻蜓。相呼看試燈。

行香子（代題）

楚楚精神楊柳腰。身是風流天上飛瓊。淩波微步。羅襪生塵。有許多嬌。許多韻。許多情。十年心事。兩字眉婚。問何時。真箇行雲。秋衾半冷。窗月窺人。想爲人愁。爲人瘦。爲人顰。

鷓鴣天（情景）

意態嬋娟畫不如。瑩然初日照芙蕖。笑捐瓊佩遺交甫。肯把文梭擲幼輿。花上蝶。水中鳧。芳心密意兩相於。情知不作庭前柳。到得秋來日日疎。

清平樂（漁父）

陣鴻驚處。一網沈江渚。落葉亂風和細雨。撥棹不如歸去。蘆花輕汎微瀾。篷窗獨自清閒。一覺遊仙好夢。任他竹冷松寒。空同詞終。

空同詞跋

叔嶼自號空同詞客。先輩稱其不減周美成。如燕子又歸來。但惹得滿身花雨。又花上蝶。水中
鳧。芳心密意。兩相於等語。尤豔驚一時。惜不多見。既讀空同詞一卷。真若遊金張之堂。而攬嬌
施之袂。宜花庵全錄之。但卷尾清平樂一闕。是連可久作。可久十二歲時。其父攜見熊曲肱。適
有漁父過前。命賦詞。援筆立成。四座歎服。後果爲江湖得道之士。得竟混入耶。海虞毛晉識。